

Inatsisartut suleriaasianni § 37 naapertorlugu matumuuna imaattunik apeqquteqaatinik Naalakkersuisunut saqqummiussivunga:

Apeqqutit:

1. Ivittuuni sakkutooqarfiliornissaq Danskit Naalakkersuisuisa nalunaarutigisaat Nunatsinni Naalakkersuisut taperserpaat?
2. Illersornissaq pillugu Danskit Naalakkersuisui Folketingimi isumaqatiginninniarsimapput, tassani ilaatigut nunatsinni nunaminertaq Ivittuut aamma isumaqatigiissutigineqarsimalluni. Nunatta Naalakkersuisui tassani peqataatinneqarsimappat?

(Inatsisartuni ilaasortaq Ineqi Kielsen, Siumut)

Tunnngavilersuutit:

Inatsisartut eqqissisimatitsinermut avatangiisinullu ataatsimiitsitaliaata Folketingip Kalaallit Nunaat pillugu ataatsimiitsitaliamik ataatsimeeqateqarnerani ilaatigut ataatsimiinnermi peqataasunit ilisimatinneqarpugut Tallimannngormat siuliani (9.12.2016) isumaqatigiittoqarsimasoq illersornissaq pillugu isumaqatiginninniartoqarnerani, tassanilu aamma nunatsinni nunaminertaq Ivittuut isumaqatigiissummut ilaasoq. Taamaattumik pissutissaqarsoraanga Naalakkersuisut aperissallugit pisumut peqataasimanersut aammalu sunniuteqaqataasimanersut.